



Recite mi više o...

Program of All-Inclusive Care for the Elderly - PACE (Programu sveobuhvatne njege za starije osobe)

Šta je Program of All-Inclusive Care for the Elderly?

Program of All-Inclusive Care for the Elderly (Program sveobuhvatne njege za starije), poznat kao PACE, je inovativni program koji nudi kompletan opseg zdravstvenih, medicinskih i usluga dugoročne njege i lijekove na recepte, kako bi vam se omogućilo da živite što je moguće neovisnije.

Dugoročna njega je svaka usluga ili podrška koja vam može biti potrebna zbog invaliditeta, starosti ili hronične bolesti koje ograničavaju sposobnost obavljanja zadataka koje treba da uradite tokom jednog dana. To obuhvata aktivnosti kao što su kupanje, odijevanje, pripremanje obroka, odlazak na posao, plaćanje računa i još puno toga. Kroz program PACE dostupne su razne usluge i podrške koje mogu pomoći ljudima da ove aktivnosti obavljaju samostalno ili uz pomoć druge osobe. Neke od ovih usluga dostupne su u PACE centru, ako odaberete da odlazite u centar.

PACE također pokriva vaše zdravstvene i medicinske usluge što uključuje usluge ljekara, više medicinske sestre, asistenta ljekara ili drugog kvalifikovanog zdravstvenog stručnjaka. Program također nudi promociju zdravlja, prevenciju bolesti, održavanje zdravlja i obrazovanje pacijenata. Dodatno tome, Medicaid i Medicare usluge za lijekove pružaju se kroz Organizaciju ugovorne njege (Managed Care Organization - MCO) koja vodi PACE program. Ako se uključite u PACE program, onda ne trebate imati odvojen Medicare Part D plan za lijekove.

Koordiniranjem vaše dugoročne njege, zdravstvene zaštite, medicinsku njege i lijekova na recepte zajedno, ovaj program je pogodan za vas i efikasan u svom radu.

Kako program PACE funkcioniра?

Ljudi primaju međudisciplinarno vođenje njege.

Identificiranje svojih potreba, onoga što je dostupno i poznavanje njege i usluga može biti teško. Možda ćete htjeti pomoć s koordiniranjem zdravstvenih, medicinskih i usluga dugoročne njege koje primete. Ako učestvujete u programu PACE, onda primete pomoć tima za podršku koji je, pored za vaše potrebe za dugoročnom negom, osposobljen da vam pruži vođenje njege za zdravstvena i medicinska stanja.

Aktivni ste član tima za njegu koji, kao minimum, uključuje ljekara programa PACE (ili ljekara iz zajednice), registriranu medicinsku sestru, voditelja njege, koordinatora PACE centra, koordinatora kućne njege, fizioterapeuta, radnog terapeuta, rekreativnog terapeuta i dijetetičara. Možete odabrati da u svoj tim uključite i člana porodice ili voljenu osobu.



Ponekad ljudi izaberu druge stručnjake da također budu članovi tima. U programu PACE, ovaj tim se naziva „međudisciplinarni tim.“ Međudisciplinarni tim planira, pruža i nadgleda vašu njegu u svim situacijama.

Kad god je to moguće, ljudi primaju usluge da žive u svom domu.



Suština programa je pomoći ljudima da ostanu živjeti u svom domu. Bez obzira da li živite u kući, stanu, kondominijumu ili mobilnoj kućici, vaš tim programa PACE će raditi s vama tako da možete ostati u svom domu. Za veliki broj ljudi većina usluga može se pružiti kod kuće. Ako već živite u ustanovi za potpomognuti život ili staračkom domu koji ne možete plaćati, program PACE vam može pomoći da pronađete drugo mjesto za život koje zadovoljava vaše potrebe, a mnogo je povoljnije za plaćanje. Program PACE radi s vama na pronalaženju i osiguravanju najbolje moguće životne situacije.

Ljudi učestvuju u odlučivanju o uslugama koje primaju.

Prvi korak u planiranju usluga programa PACE je razgovor s vašim timom o načinu života koji želite imati, želite li živjeti gdje trenutno živite ili na drugom mjestu te o vrsti podrške koja vam je potrebna da bi zadovoljili svoje potrebe vezane za dugoročnu njegu. Ovaj korak se zove procjena.

Nakon toga se usluge koje ćete primati opisuju u planu njege. Članovi tima vam pružaju podršku u razvoju plana tako što vam daju informacije koje su vam potrebne kako bi na informirani način odabrali njegu koju ćete primati. Vaš plan njege će vam omogućiti da počnete ostvarivati lične rezultate koje ste vi i vaš tim odredili u procjeni.

Ljudi odabiru pružatelje usluga iz sveobuhvatne mreže.



Učesnici u programu PACE odabiru svoje pružatelje usluga dugoročne njege i pružatelje zdravstvenih usluga iz mreže pružatelja usluga. Organizacije ugovorne njege (Managed Care Organizations - MCO) su agencije koje ljudima pružaju beneficije programa PACE i obavezne su imati pružatelje svih usluga koje su pokrivene programom, kao i dovoljno pružatelja usluga da bi članovi imali izbor i dovoljno lokacija na kojima članovi mogu primati usluge.

Pored toga što odabirete pružatelje dugoročne njege iz mreže pružatelja usluga, u programu PACE također odabirete i svog ljekara iz mreže ljekara koji rade s PACE programom ili drugog ljekara iz zajednice. Tako su vaša zdravstvena njega i dugoročna njega u koordinaciji na način na koji je program i dizajniran imajući i ljekara u timu. Ako vaš ljekar nije dio mreže pružatelja usluga, program PACE može kontaktirati vašeg ljekara i ponuditi mu da pristupi mreži.

Ako se uključite u program PACE, osiguranje za lijekove je integrirano u beneficiju. Članovi programa PACE svoje lijekove dobijaju u apotekama programa PACE. Ako imate Medicare, ne morate imati odvojen Medicare Part D plan za lijekove. Ako se uključite u program PACE nećete morati plaćati učešće ili obavezni odbitak za lijekove. Kao dio paketa beneficija, članovi dobijaju i stomatološke usluge.





Napomena: Da biste imali pravo na program PACE, morate biti uključeni u svaki dio Medicare-a na koji imate pravo.

Ljudi primaju usluge koje su im potrebne unutar jedne beneficije.

Pregledanje velikog broja programa finansiranja kako bi utvrdili na koje beneficije imate pravo može biti zbunjujuće. Dobra vijest je da program PACE plaća za vaše zdravstvene, medicinske i usluge dugoročne njege i lijekove na recepte, koje bi inače bile dostupne kroz razne Medicare i Medicaid programe. To uključuje i farmaceutske usluge tako da jednostavno možete dobiti svoje lijekove na recepte i neke lijekove iz slobodne prodaje.

Ljudi primaju usluge koje im na najbolji način omogućavaju da postignu rezultate koje žele.

Uspjeh programa PACE mjeri se vašim rezultatima u stvarnom životu ili ishodima koje postizete na osnovu usluga koje primate. „Ishodi kvaliteta života“ u programu PACE predstavljaju bitne dijelove života ljudi.

Sljedeće izjave predstavljaju „ishode kvaliteta života“ koji tim programa PACE želi da postignete. Kada učestvujete u programu, vi definirate ishode za svoj život. Cilj programa PACE je da vam pomogne da zadovoljite vaše potrebe za dugoročnom njegom i ostvarite vaše lične ciljeve:

- Ja odlučujem gdje i sa kime ću živjeti.
- Ja donosim odluke o podršci i uslugama koje primam.
- Ja odlučujem kako provodim dan.
- Imam odnose sa svojom porodicom i prijateljima.
- Radim ili se bavim drugim stvarima koje su mi bitne.
- Uključen/a sam u zajednicu.
- Moj život je stabilan.
- Drugi me poštuju i odnose se prema meni korektno.
- Imam privatnost.
- Imam najbolje moguće zdravlje.
- Osjećam se sigurno.
- Oslobođen/a sam zlostavljanja i zanemarivanja.

